



BILTEN

OPĆINE SREBRENİK



CERTIFIKAT ISO 9001:2000
MKS: 150463



IZDAJE: OPĆINA SREBRENİK • BROJ: 33 • MJESEC: DECEMBAR/PROSINAC 2010. • BILTEN JE BESPLATAN • TIRAŽ 500

*Sretna nova
2011. godina*



Foto: Svjetlan Bešić

SADRŽAJ

- 2 Proslava 25. novembra, Dana državnosti BiH
- 3 22. i 23. sjednica OV-a
- 4 24. sjednica OV-a; Vodospodizavanje u Kugama i Ljenobudu
- 5 Spomen-obilježje u Zahi-ovićima; Novi asfalt u Ljenobudu i Brničanima
- 6 Rasvjeta u Drapnićima; Asfaltiranje u Brdima
- 7 Asfaltiranje u Lisovićima i vikend naselju na Majejci
- 8 Asfaltiranje puta u Babunovićima i Ahmićima
- 9 Sanacija Starog grada Srebrenika; Vodovod u D. Špionici
- 10 Sanacija Doma zdravlja Srebrenik; Put u Muratima
- 11 Asfaltiranje puta u Straži i S. Špionici; Otvorenje fisk. sale u II OŠ Srebrenik
- 12 Poligon u G. Hrgovima; Projekti zaštite okolice
- 13 Nacrt Strategije razvoja općine Srebrenik 2011-2020. godine
- 14 Dani polja 2010; 5. Dani kruha i plodova zemlje
- 15 2. sajam pčelarstva; Uklanjanje zaostalih mina
- 16 Proslava Dana UN
- 17 Nove donacije opreme vatrogascima Srebrenika
- 18 Osnovan „Silver Kings“; Uspjeh karatista „1.marta“
- 19 GTS gostovao u Cazinu; Proslavljen Kurban bajram
- 20 Donacije opreme i nastavnih sredstava OŠ-ama



Svečano je bilo i u Prvoj osnovnoj školi Srebrenik

U Srebreniku obilježen 25. novembar, Dan državnosti BiH

U Srebreniku je na svečan način obilježen 25. novembar, Dan državnosti BiH. Predstavnici izvršne i zakonodavne vlasti te političkih



Polaganje vijenaca na Centralno spomen-obilježje partija i boračkih udruženja, prvo su položili cvijeće na Centralno spomen-obilježje po-



Vijeneci su položeni i na spomen-kosturnicu

ginulim borcima i šehidima minulog rata a potom i na

spomen - kosturnicu poginulim borcima NOR-a iz Drugog svjetskog rata. Svečanu sjednicu otvorio je predsjedavajući OV Srebrenik dr. Ibrahim Zukić, dok su monolozima oduševili glumica Fatima Džaferović-Zahirović i učenik Prve OŠ Srebrenik Amar Ibrić.

Referat povodom Dana državnosti BiH pročitao je v.d. načelnika općine Srebrenik, Mehmed Bajrektarević:

-Bosna i Hercegovina je prošla kroz mnoge poteškoće tokom svog postojanja, ali uvijek je uspjela da se održi, pa tako vjerujem da će se održati i u ovom teškom periodu. Najava boljih dana za BiH je i ukidanje viza za naše građane, zatim najava promjene Ustava, približavanje ulasku u NATO, i vjerujem i bržem procesu ka EU.

Povodom obilježavanja 25. novembra, Dana državnosti BiH svečano je bilo i u svim OŠ na području općine Srebrenik, gdje su učenici i nastavnici, priredili bogat kulturno-umjetnički program.

Izveštaj sa 22. sjednice Općinskog vijeća Srebrenik

Na 22. sjednici Općinskog vijeća (OV) Srebrenik, održanoj 28.10.2010. g., najviše se raspravljalo o Programu obavljanja zajedničke komunalne potrošnje, gdje je usaglašeno da prilikom održavanja puteva u zimskom periodu, onaj ko dobije posao (to je do sada najčešće bilo JKP „9.septembar“ Srebrenik), u podizvođačima prvo traži ljude iz mjesnih zajednica, koji imaju uslove za čišćenje, s obzirom da će najbolje čistiti snijeg u svom mjestu onaj kome je to i najpotrebnije. Bilo je dosta primjedbi i na čistoću grada, s kojom lično ni načelnik Osman Suljagić nije zadovoljan, te je naglašeno kako ona može biti bolja, a to će se vjerovatno desiti uskoro kada se nabavi mašina za održavanja čistoće. Primjedbi je bilo i na psetalnice, koji se slobodno šetaju gradskim ulicama, ali s obzirom da za sada nema novca za Azilantski centar niti se psi smiju ubijati, rješenje će se pronaći u narednom periodu. Ništa manje nije bilo burno ni kada se trebao imenovati Upravni odbor (UO) Doma zdravlja, gdje su pojedini vijećnici predlagali da umjesto pet budu samo tri člana, kako bi se napravile određene uštede, odnosno da se ponovo produlji mandat starom. Ipak,



nakon 2-3 pauze, usaglašeno je da se novi UO imenuje na 4 mjeseca. Bez većih rasprava usvojene su odluke o prestanku važenja Odluke o ostvarenju ušteda u budžetu Općine, gdje se ova Općina jedina na TK pridržavala ovog Zakona o uštedama, kom prilikom je, smanjenjem plata uposlenika za 10%, u prošloj godini uštedeno oko 550.000 KM. Nije se mnogo raspravljalo ni o Odluci o prestanku važenja Odluke o naknadama, dok je usaglašeno da se povuče tužba protiv preduzeća „Jata“ iz 1999. g. Donesena je i Odluka o realizaciji projekta vodosnabdijevanja Ljenobuda i Kuga sa gradskog vodovoda, gdje će Općina finansirati ovaj projekat sa 369.498 KM, a ove dvije MZ-e sa 118.356 KM. Prihvaćeno je da Općina preuzme dugove MZ-a Rapatnica, Brnjiča ni, Ahmići, Brezik i Murati prema izvođačima radova u visini od 42.000 KM. Odobrena su

i dodatna sredstva za nepredviđene radove na putu u Lisovićima i Dedićima u visini od 11.200 KM. Usvojeno je i osnivanje MZ Straža. Iako u nacrtu, usvojena je i odluka o reviziji parcelizacije N.N. Kiseljak, koje bi u narednom periodu trebalo da se u potpunosti urbanizira i postane moderno naselje sa sportskim terenima, školom, obdaništem i dr. sadržajima. Usvojene su i informacije o stanju bezbjednosti za prvih 6. mjeseci, koje je bolje, izuzev maloljetničke delikvencije, koja je povećana, a komandir PS Srebrenik, Edin Karić, ponovo je istakao da su im neophodna nova vozila. Dogovorena je i raspodjela novčanih sredstava za poljoprivrednu proizvodnju u 2010. godini u visini od 73.000 KM, i to 18.000 KM za i za uginuća stoke i peradi te 55.000 KM za JNP građanima u saniranju dijela štete u poljoprivredi nastale poplavama.

Izveštaj sa 23. sjednice Općinskog vijeća Srebrenik

Dana 19.11.2010.g. održana je 23. sjednica Općinskog vijeća Srebrenik, na kojoj je za vršioca dužnosti načelnika općine Srebrenik izabran Mehmed Bajrektarević, koji je do tada obavljao funkciju savjetnika općinskog načelnika za privredu. On će do izbora novog općinskog načelnika na izborima, koji su zakazani za 16. januar 2011. godine, zamijeniti dosadašnjeg načelnika općine Srebrenik Osmana Suljagića, kojem je, zbog prih-



Mehmed Bajrektarević

vatanja mandata poslanika u Predstavničkom domu Parlamenta FBiH, osvojenom na prošlim općim izborima, pretao mandat općinskog načelnika. Predstavnici klubova vijećnika svih političkih stranaka u svojim obraćanjima bezrezervno su podržali prijedlog Komisije za izbor i imenovanje, tako da je, prilikom glasanja, Bajrektarević jednoglasno izabran za vršioca dužnosti načelnika općine Srebrenik.

Izveštaj sa 24. sjednice Općinskog vijeća Srebrenik

Na 24. sjednici Općinskog vijeća Srebrenik, koja je održana 11.12.2010.g, usvojena je Odluka o rebalansu općinskog budžeta za tekuću kalendarsku godinu. Budžet Općine Srebrenik, u odnosu na planiranih 11.133.000 KM, zaključno sa 30. septembrom ove godine, ostvaren je u iznosu od 5.809.000 KM, a rebalansirani općinski budžet, koji je usvojen na ovoj vijećničkoj sjednici, planiran je u iznosu od 10.530.000 KM. Uz evidentnu ekonomsku krizu, nedostatak investicionih ulaganja, problem sa naplatom koncesionih naknada, slabiji priliv sredstava u budžetu, kako je rečeno, uzrokovali su i izdaci za saniranje posljedica velikih materijalnih šteta od poplava i klizišta, nastalih tokom ovogodišnjih junskih poplava koje su pogodile ovo općinsko područje. Na ovoj vijećničkoj sjednici u Srebreniku usvojeni su i prijedlozi odluka o utvrđivanju javnog interesa za izgradnju kanalizacione mreže u naseljima Babunovići, Brda i Grabovci, kao i Nacrt Programa



rada Općinskog vijeća Srebrenik za 2011. godinu. Bez rasparave prihvaćeni su Nacrt Odluke o organizovanju i funkcionisanju zaštite i spašavanja na području Općine Srebrenik, kao i informacije o uspjehu učenika na kraju školske 2009/2010. u osnovnim i Mješovitoj srednjoj školi u Srebreniku. Vijećnici Općinskog vijeća Srebrenik podržali su i Odluku o izdvajanju naselja Huremi iz sastava MZ Špionica Donja i

formiranju zasebne Mjesne zajednice Huremi, a prihvaćena je i Odluka o izboru lica za obavljanje usluga zajedničke komunalne potrošnje za 2011. godinu. Ovom odlukom posao obavljanja usluga zajedničke komunalne potrošnje na području Općine Srebrenik povjeren je Javnom preduzeću „9. septembar“ Srebrenik.

Uskoro bolje vodosnabdijevanje u srebreničkim naseljima Ljenobudu i Kugama



Početni radovi na izgradnji vodovoda

Nedavno su otpočeli radovi na realizaciji projekta izgradnje novog sistema vodosnabdijevanja u srebreničkim naseljima Ljenobud i Kuga. Kako je predviđeno u sklopu projekta izgraditi će se nove potisne stanice i rezervoar kapaciteta 200 kubnih metara te glavni primarni cjevovod od Srebrenika do novog rezervoara, u ukupnoj dužini od oko 4 km, kojim će se postojeći lokalni vodovodi spojiti na gradski vodovod. Ukupna vrijednost projekta je 528.000 KM a 70 posto sredstava će obezbijediti općina Srebrenik, dok će preostalih 30 posto prikupiti mještani Ljenobuda i Kuga. Radove na izgradnji novog vodovoda, koji bi se, ukoliko vremenske prilike dozvole, trebali završiti za par mjeseci, čime bi se konačno trebalo kvalitetno riješiti pitanje vodosnabdijevanja oko 1800 stanovnika ova dva srebrenička naselja, izvodi firma "Reweus" d.o.o. Lukavac.

U Zahirovićima izgrađeno spomen-obilježje

Dana 13.11.2010.g, u srebreničkoj Mjesnoj zajednici Zahirovići je otkriveno novoizgrađeno spomen-obilježje petorici šehida i poginulih boraca iz ovog naselja. Prigodnoj svečanosti, prisustvovali su predstavnici općinskih i kantonalnih vlasti, te predstavnici boračkih udruženja i porodica šehida. Novoizgrađeno spomen-obilježje u centru Zahi-



Spomen-obilježje u Zahirovićima

rovića zajednički su otvorili Mehmed Bajrektarević, izaslanik općinskog načelnika, predsjednik MZ Zahirovići te 5 djece šehida Ekrema Osmanovića, Muharema Kurtića, Mehmedalije Jašarevića, Abdulaha Osmanovića i Mira-



lema Jašarevića, koji su u proteklom odbrambeno-oslobodilačkom ratu dali ono najdragocjenije, svoje živote, za odbranu svog naroda i suverene BiH. U izgradnju spomen-obilježja uloženo je oko 16.000 KM, a 80 posto sredstava izdvojeno je iz budžeta općine Srebrenik, dok su preostali iznos prikupili mještani Zahirovića. Na ceremoniji

otvorenja dodijeljene su i prigodne zahvalnice pojedincima i privrednim kolektivima, koji su sopstvenim radom ili novčanim priložima pomogli izgradnju spomen-obilježja u mjesnoj zajednici Zahirovići.

Asfaltirani putni pravci u Ljenobudu i Brničanima



Asfaltiranje puta u Brničanima

Krajem oktobra 2010.g., asfaltirana je dionica jednog kraka puta u Ljenobudu, dionica prema Kugama, ukupne dužine oko 600 metara. Radove je izvelo preduzeće „Zvornik putevi“ d.o.o. Sapna, a vrijednost radova je iznosila 112.000 KM. Radovi su finansirani iz budžeta općine Srebrenik sa 70 posto sredstava dok su preostali iznos obezbijedili mještani. Paralelno sa ovim projektom, u Brničanima su asfaltirana

dva putna pravca u zaseocima Šabići i Selišta ukupne dužine 400 metara. Vrijednost radova je 51.000 KM uz isti sistem finansiranja tj. 70 posto je obezbijedila općina, a 30 posto mještani. Realizacijom navedenih projekata u Ljenobudu i Brničanima su stvoreni znatno bolji uslovi za život i rad lokalnog stanovništva, čime je nastavljena realizacija strategije ravnomjernog razvoja kompletnog općinskog područja, s ciljem smanjenja migracije seoskog stanovništva prema gradskom središtu.



Asfaltiranje puta u Ljenobudu

Izgrađena javna rasvjeta u naselju Drapnići

Dana 03.12.2010.godine, radnici firme „Magnet I“ d.o.o. Brčko su priveli kraju radove na izgradnji javne rasvjete u Podorašju 2 (naselje Drapnići), ukupne vrijednosti 65.500 KM. Radi se o izgradnji oko 4 kilometra moderne javne rasvjete sa AB stubovima, SKS kablom, pocinčanim konzolama i svjetiljkama tipa opalo 1, koja se većim dijelom proteže kroz naselje Drapnići, a manjim dijelom od OŠ u Podorašju pored regionalnog puta Previle-Čelić, čija će se rekonstrukcija u dužini od 1560m, od Podorašja do Jasenice, završiti do izlaska ovog biltena iz štampe. Po završetku svih navedenih radova, kao i radova na izgradnji mosta, koji su također pri kraju, ovaj dio naše općine će dobiti znatno moderniji izgled, dok o bezbjednosti pje-



Detalj sa izrade javne rasvjete u naselju Drapnići

šaka (prije svega učenika) i vozača nije potrebno trošiti riječi. Navedeni infrastrukturni

projekat Općina i mještani podjednako finansiraju.

U asfaltiranje 3 putna pravca u Brdima 200.000 KM



Trenutak otvorenja putnih pravaca kroz naselje Brda

Uprigradskom naselju Brda kod Srebrenika, krajem septembra je bilo svečano zbog završetka asfaltiranja tri nova putna pravca, u šta je investirano dionici koja spaja ovo naselje sa blizu 200.000 KM

Riječ je o dionici koja ovo naselje spaja sa regionalnim putem Srebrenik-Gračanica u dužini od 1.200 metara, zatim tri kraće dionice u zaseoku Kantići te jedan u zaseoku Grabovci. -I dok je iz općinskog

budžeta finansirana cjelokupna dionica koja nas spaja sa regionalnim putem, u ovim zaseocima je finansiranje bilo po principu 70% Općina, a 30% mještani.

Asfaltirani su svi dijelovi Brda

-Mislim da je ovaj način finansiranja dobar i da se do sada pokazao veoma uspješnim, dok su se naši mještani vrlo rado odazvali ovoj akciji. Ono što je vrlo bitno je da su sada svi dijelovi ovog naselja u potpunosti asfaltirani, istakao je predsjednik MZ Brda, Esed Buljubašić.

Vrpcu su uz Buljubašića presjekli načelnik Općine Srebrenik Osman Suljagić, predsjedavajući OV Ibrahim Zukić i Faruk Vikalo, ministar za rad i socijalnu zaštitu u Vladi TK-a.

Za asfaltiranje puta u Lisovićima 100.000 KM

Asfaltiranjem posljednje dionice lokalnog puta u Lisovićima, zaseok Ahmetovići, dana 23.09.2010. godine, izvođači radova, radnici firme „ITK Musić“ d.o.o. Srebrenik, sa kooperantima, su završili i ovaj vrijedan infrastrukturni projekat, koji je dva dana kasnije, na prigodnoj manifestaciji, otvorio općinski načelnik Osman Suljagić, sa saradnicima. U pripremu terena, izradu kanala za oborinsku vodu te za asfaltiranje puta širine 3m i dužine oko 1000m, utrošeno je 100.000 KM. Sedamdeset posto navedenog iznosa plaćeno je iz budžeta općine Srebrenik a ostalo su prikupili mještani, koji nisu krili oduševljenje urađenim. Kako je



Asfaltni put u Lisovićima



istakao Fahir Zukić, predsjednik MZ Lisovići i Građevinskog odbora, asfaltiranjem ove dionice gotovo svi putni pravci u Lisovićima, osim nekoliko kraćih dionica, su asfaltirani, a u narednom periodu slijede drugi projekti kao što su: izgradnja javne rasvjete, sportskog poligona, bolje vodopsnadbijevanje, kanalizacija te održavanje puteva odvodnje duž svih putnih komunikacija u Lisovićima, kako bi iste što duže trajale.

Asfaltiran put od D. Srebrenika do vikend naselja na Majeveci

Sredinom oktobra 2010.g., radnici firme „Roading“ iz Gračanice, okončali su radove na asfaltiranju dionice puta od Donjeg Srebrenika do vikend naselja u blizini lokaliteta „Golo brdo“, na samom vrhu planine Majevice, u dužini od blizu dva kilometra. Riječ je o novom putnom pravcu na nepristupačnom planinskom području, kojeg je prije nekoliko godina vlastitim sredstvima izgradio Hasan Sarajlić, vlasnik firme „Kopeks-Sarajlić“ Srebrenik i kojim je put do atraktivnog vrha planine Majevice skraćen za oko 5 kilometara. Početkom septembra 2010.g. Udruženje građana ljubitelja prirode „Mlaka“ Srebrenik pokrenulo je inicijativu da se ovaj makadamski put asfaltira, a zahvaljujući podršci srebreničkih biznismena i ljubitelja prirode, od ideje do realizacije ovog projekta proteklo je svega mjesec dana. Naime, Hasan Sarajlić vlastitim sredstvima finasirao je pripremu terena na dvije trećine dionice, a preostalu trećinu pripremio je



Detalj sa asfaltiranja puta

Hazim Muratović, vlasnik firme „Gromeks“ Srebrenik. U pripremu terena i asfaltiranje ove dionice putnog pravca uloženo je 226.510 KM, a uz dvojicu srebreničkih biznismena, u finasiranju ovog projekta, s pojedinačnim priložima u iznosu od 1.000 do 5.000 KM, učestovalo je i oko 30 vlasnika vikendica na planini Majeveci.

Asfaltiranjem ovog putnog pravca ljubiteljima prirode olakšan je prilaz atraktivnom vrhu planine Majevice, za koji mnogi tvrde da ima najčišći vazduh u ovom dijelu Evrope, a osigurane su i pretpostavke za realizaciju, ranije planiranih, projekata usmjerenih na razvoj sportsko-rekreativnog i zimskog turizma na ovoj planini.

Asfaltirana dionica reg. puta Srebrenik-Gračanica od 600m

Radnici firme „Zvornik putevi“ d.o.o. Sapna, već izvjesno vrijeme, izvode radove na rekonstrukciji teško oštećenog regionalnog puta Srebrenik-Gračanica. Radi se o rekonstrukciji dionice puta od fabrike „Corn flips“ do čitaonice u Babunovićima, ukupne dužine 1 kilometar i procijenjene vrijednosti od oko 600.000 KM. Kako smo saznali od nadzora nad izvođenjem radova, koji je određen ispred finansijera radova Direkcija cesta TK-a i općine Srebrenik, do sada je bilo dosta problema, prije svega vezanih za neriješene imovinsko-pravne odnose sa vlasnicima građevinskih parcela pored puta, tako da je jedan od tih sporova doveo i do prolongiranja radova kao i iznalaženja alternativnih načina, prije svega, odvodnje površinskih voda. Obzirom da na vi-



Radovi na reg. putu



še od pola dionice, od čitaonice u Babunovićima do pekare Joldić Ferida, nije bilo većih problema, nakon što su izvedeni svi zemljani radovi, urađeni potporni zidovi te odvodnja površinskih voda, nedavno je i asfaltirana ta dionica širine 6m plus 1,5m trotoara. Radovi na preostalom dijelu trase se izvode koliko to vremenske prilike dozvoljavaju, a obzirom da je obezbijeđena odvodnja površinskih voda za drugu dionicu u rijeku Tinju, kroz zemljište fabrike „Corn flips“ i krajem lokalnog puta ispod fabrike, završetak radova se očekuje uskoro.

Za asfaltiranje puta u Ahmićima 60.000 KM



Detalj sa asfaltiranja puta u Ahmićima

Asfaltiranjem posljednje dionice lokalnog puta u Ahmićima, dana 15.09. 2010.godine, izvođači radova, radnici firme „ITK Musić“ d.o.o. Srebrenik sa kooperantima, su završili i ovaj vrijedan infrastrukturni projekat. U pripremu terena, izradu kanala za oborinsku vodu te za asfal-



tiranje puta širine 3m i dužine oko 550m, utrošeno je oko 60.000 KM. Sedamdeset posto navedenog iznosa plaćeno je iz budžeta općine Srebrenik a ostalo su prikupili mještani, koji nisu krili oduševljenje urađenim.

Stari grad Srebrenik uskoro u novom ruhu

Dana 21.10.2010.g. radnici sarajevske firme „Neimari“ su otpočeli sa radovima na prvoj fazi rekonstrukcije Starog grada Srebrenika, koji se realizuje u sklopu MDGF projekta „Kultura za razvoj“ koji je finansiran od strane Vlade Španije sa iznosom od 65.000 KM. Radovi uveliko traju i trebali bi se uskoro završiti, a predviđena je izgradnja potpuno novog mosta na ulazu u ovaj kulturno-historijski spomenik te sanacija prve kule Starog grada, odmah iza ulaza. Na tom mjestu će ubuduće biti suvenirnica te info turistički pult. U kasnijim fazama koje će ukupno koštati nekoliko stotina hiljada KM, a sredstva će obezbijediti općina Srebrenik i nadležno federalno ministarstvo, predviđena je sanacija pristupnog puta, ostalih kula, parkinga, ljetne pozornice ispred Starog grada kao i osta-



Detalj sa izgradnje novog mosta na ulazu u Gradinu

lih sadržaja, predviđenih projektno-tehničkom dokumentacijom. Naravno da će biti potrebno riješiti i pitanje organizacije kao i finansiranja ovog kulturno-historijskog spo-

menika, obzirom da se dosadašnji način upravljanja Starim gradom pokazao neuspješnim. U sklopu projekta pri kraju je i izrada web stranice Starog grada Srebrenika.

Više od 50 domaćinstava Špionice spojeno na Gradski vodovod

Krajem septembra 2010.g. više od 50 domaćinstava Donje Špionice kod Srebrenika, spojeno je na Gradski vodovod, čime je riješen višegodišnji problem kvalitetnog napajanja pitkom vodom mještana ovoga naselja. Tim povodom, dana 29.09.2010.g., u Špionici je priređena mala svečanost na kojoj se okupljenim gostima obratio predsjednik Građevinskog odbora Fikret Bašić, koji je kazao: - Sa ovim aktivnostima započeli smo još u martu ove godine i evo hvala Bogu uspjeli smo da prije zime okončamo projekat vrijedan 55.000 KM. Od toga Općina je finansirala 23.000 KM, JP „Vodovod i kanalizacija“ je izdvojilo blizu 5.000 KM, dok su ostalo prikupili mještani, njih 67, a među njima najveći donator je bio Rasim Čelik koji je izdvojio 8.000 KM, kazao je Bašić. Načelnik Osman Suljagić

presjekao je vrpcu zajedno sa najvećim donatorom Čelik Rasimom, te je izjavio: - Želimo da u svaki dio naše Općine, koji je blizu gradskog središta, dovedemo vodu iz Gradskog vodovoda, a u narednom periodu na redu su zaseoci Hodžići, zatim izbjegličko naselje i druga mjesta u Špionici.

U posljednje dvije godine na ovom općinskom području krenulo se u agresivnije rješavanje problematike obezbjeđenja pitke vode, za šta će se izdvojiti višemilionska sredstva. Da je voda ispravna potvrdio je i direktor JP „Vodovod i kanalizacija“ Muhamed Hasić koji se prvi simbolično i napio vode.



Presijecanje vrpce u Donjoj Špionici

Završetkom sanacije bolji uslovi u Domu zdravlja Srebrenik



Uglednom gostu direktor Harčinović je uručio prigodan poklon

U povodu realizacije projekta unutrašnjeg uređenja prostorija u potkrovlju Doma zdravlja Srebrenik, delegacija Organizacije islamske konferencije-fonda za povratak bh. izbjeglica, na čelu s direktorom EN-Nur Swar Eddahabom, krajem septembra 2010.g., posjetila je ovu zdravstvenu ustanovu. U okviru ovog projekta, adaptirane su postojeće prostorije laboratorije i higijensko-epidemiološke služ-

be, a obavljeni su i radovi na uređenju prostora u potkrovlju zgrade za potrebe Ginekološkog odjeljenja, ukupne površine 240 kvadratnih metara. U ove radove uloženo je 150.000 KM, a sredstva je posredstvom Fonda za povratak bh. izbjeglica osigurala Islamska banka za obnovu i razvoj iz Saudijske Arabije. Kako je istakao Ešref Harčinović, direktor Doma zdravlja Srebrenik, završetkom ovih radova osigurani su znat-

no bolji prostorni uslovi za rad vitalnih službi ove zdravstvene ustanove. Već je pripremljen i projekat za ugradnju lifta i unutrašnje uređenje prostorija na drugom spratu Doma zdravlja Srebrenik, za smještaj Službe za fizikalnu medicinu i rehabilitaciju, koji će posredstvom Fonda za povratak, takođe, biti kandidiran kod Islamske banke za obnovu i razvoj. Vrijednost ovog projekta je oko 170.000 KM, a njegovom realizacijom, prema riječima Harčinovića, osigurat će se uslovi za proširenje djelatnosti ove službe na hidroterapiju i dječiju rahabilitaciju. Naglasivši da će Fond za povratak samo u ovoj godini u razne projekte u BiH investirati oko milion dolara, En-Nur Swar Eddahab je obećao finansijsku podršku i projektu uređenja prostorija i proširenja djelatnosti Službe za fizikalnu terapiju Doma zdravlja Srebrenik. Na kraju posjete uglednom gostu direktor Harčinović je uručio prigodan poklon-bakrorez sa motivom Starog grada Srebrenika.

Za rekonstrukciju puta u Muratima 581.000 KM

Ovih dana uveliko se izvode radovi na kompletnoj rekonstrukciji teško oštećenog asfaltnog puta za srebreničko naselje Murati. Radove na izradi odvodnje površinskih voda, rješavanju problema velikog klizišta, izradi podloge te ponovnom asfaltiranju oko 1500 m puta izvodi preduzeće „Zvornik putevi“ d.o.o. Sapna. Ukupna vrijednost navedenih radova u Muratima iznosi oko 581.000 KM, s tim što se do kraja 2010.g trebaju završiti radovi prve faze u vrijednosti oko 300.000 KM, dok će se u 2011 godini nastaviti sa realizacijom druge faze radova. Sistem finansiranja je 70 posto budžet Općine a 30 posto mještani.



Sve je pripremljeno za asfaltiranje puta u Muratima

Za rekonstrukciju puta u Straži i Srednjoj Špionici 561.000 KM



Asfaltiran je put kroz Srednju Špionicu

Krajem novembra 2010.g, izvršena je kompletna rekonstrukcija te asfaltiranje puta u srebreničkim naseljima Straža i Srednja Špionica. Radove na izradi odvodnje površinskih voda, izradi podloge te asfaltiranju oko 1670 m puta u Straži odn. rekonstrukciji i asfaltiranju glavnog i niza sporednih puteva u Srednjoj Špionici u dužini od oko 1500m, izvelo je preduzeće „Zvornik putevi“ d.o.o. Sapna.

Vrijednost radova u Straži je iznosila oko 281.000 KM a u Srednjoj Špionici oko 280.000. Svi navedeni radovi su finansirani iz budžeta općine Srebrenik, obzirom da je Federalno ministarstvo prometa i komunikacija obećalo određenu novčanu pomoć u realizaciji navedenih projekata, zbog čega nije bilo uobičajenog učešća građana.



Detalj novog puta za Stražu

Puštena u funkciju nova fiskulturna dvorana Druge osnovne škole Srebrenik

U prisustvu brojnih učenika i njihovih roditelja, te predstavnika općine Srebrenik i Ministarstva obrazovanja, nauke, kulture i sporta Tuzlanskog kantona, krajem septembra 2010.g., svečano je puštena u funkciju novosagrađena fiskulturna dvorana Druge osnovne škole Srebrenik. Kako je istakao Emir



U fiskulturnu salu uloženo je 1,4 mil. KM

Hozić, direktor Druge osnovne škole Srebrenik, u izgradnju fiskulturne sale uloženo je 1,4 milion KM, a sredstva su osigurali općina Srebrenik i Ministarstvo obrazovanja, nauke, kulture i sporta TK-a. Zahvaljujući realizaciji ovog projekta, nakon više od dvije decenije čekanja, učenici Druge



Detalj sa otvorenja dvorane II OŠ Srebrenik

OŠ Srebrenik konačno su dobili adekvatan prostor za obavljanje nastave tjelesnog odgoja. Novosagrađena fiskulturna sala je dimenzija 30x25 metara, tako da će se, uz obavljane nastave tjelesnog odgoja, moći koristiti i za organizaciju i drugih sportskih takmičenja. Za potpuno zaokruženje ovog projekta neophodno je obaviti i radove na vanjskom uređenju, čija je predračunska vrijednost oko 400.000 KM. Simboličnim ubacivanjem košarkaške lopte u koš, novu sportsku dvoranu u funkciju su pustili općinski načelnik Osman Suljagić i ministrica obrazovanja, nauke, kulture i sporta TK-a Mirzeta Hadžić Suljkić.

Svečano otvoren sportski poligon u Gornjim Hrgovima



Trenutak svečanog otvorenja poligona u G. Hrgovima

Dana 05.12.2010.godine, upriličena je svečanost na kojoj je, simboličnim presijecanjem vrpce, svečano otvoren sportski poligon kod područne OŠ u Gornjim Hrgovima. Poligon su, uz prisustvo predstavnika izvršne i zakonodavne vlasti Općine Srebrenik, zajednički otvorili

Osman Suljagić, poslanik u Parlamentu FBiH i Marko Babić, predsjednik MZ Gornji Hrgovi. Mještani ovog naselja, a posebno učenici i nastavnici navedene škole, koji su ovom prilikom priredili i izveli prigodan kulturno zabavni program, nisu krili zadovoljstvo što se konačno riješilo pitanje odvodnje povr-

šinske vode sa zemljišta ispred škole, te što su konačno dobili moderan sportski poligon dimenzija 30x26m, koji će im pomoći u kvalitetnijem obavljanju nastave kao i bavljenju raznim sportskim aktivnostima. Kako je na ceremoniji otvaranja poligona istakao Osman Suljagić, osim navedenih radova radnici firme „Zvornik putevi“ d.o.o. Sapsna su rekonstruisali i asfaltirali i nekoliko lokalnih sokaka u G. Hrgovima, čime su znatno poboljšani uslovi života lokalnog stanovništva. Vrijednost radova je 25.000 KM i isti



Asfaltiranje poligona

su kompletno finansirani iz budžeta općine Srebrenik.

Za projekte iz oblasti zaštite životne okolice 79.000 KM



Detalj sa čišćenja korita rijeke Tinje

Na području općine Srebrenik u toku je realizacija tri značajna projekta iz oblasti okoliša, i to: 1) Akcija čišćenja korita rijeke Tinje, 2) Akcija čišćenja putnih pojaseva magistralnog i regionalnih puteva na području Općine i 3) Akcija uklanjanja divljih deponija smeća na širem području Općine. Navedeni projekti planirani su Programom zaštite čovjekove okolice na području naše Općine za 2010.g. i čine samo dio aktivnosti kojima se na području naše općine nastoji unaprijediti stanje iz oblasti okoliša. Akcija čišćenja korita rijeke Tinje je najobimniji od

projekata, a isti Općina realizuje uz pomoć Federalnog fonda za zaštitu okoliša. Ukupna vrijednost ovog projekta iznosi oko 50.000 KM, a planirano je čišćenje 4 dionice korita, u dužini od 14 km, a radi se o dionicama Brezje-D. Potpeć i Srebrenik-Čehaje, gdje su radovi završeni, te Bjelave-Behrami i u Špionici Centar, gdje su u toku. U okviru ovog projekta čisti se korito i obalni pojas od raznog smeća, kao i sječa i uklanjanje šiblja i rastinja iz samog korita. U sklopu drugog projekta predviđeno je detaljno čišćenje, odnosno prikupljanje i odvoz komunalnog otpada odloženog na putnim stajalištima i putnom pojasu magistralnog i regionalnih puteva na području općine Srebrenik. Vrijednost ovog projekta iznosi oko 19.000 KM, a sredstva su obezbijeđena od strane Ministarstva prostornog uređenja i zaštite okolice TK. Treći projekat odnosi se na čišćenje, odnosno uklanjanje divljih deponija smeća na širem području naše Općine. Za ovu svrhu obezbijeđeno je 10.000 KM, a u sklopu izvršeno je čišćenje 10-tak divljih deponija na području Srebrenika, Jasenice, Ljenobuda, Sladne. Sve radove izvodi JP „9. septembar“ d.d. Srebrenik uz pomoć 21 radnika, koji su angažovani sa Biroa za zapošljavanje Srebrenik. Svi radovi su počeli krajem novembra, a trebali bi se okončati do kraja decembra 2010.g.

Partnerskoj grupi za razvoj predstavljen Nacrt Strategije razvoja općine Srebrenik 2011-2020. g.



Ibrahim Smajlović je upoznao prisutne sa Nacrtom Strategije razvoja općine Srebrenik 2011-2020 godine

Dana 15.12.2010.godine, u Plavoj sali Doma kulture u Srebreniku, održan je 3. sastanak Partnerske grupe za razvoj za reviziju Strategije razvoja općine 2011-2020. g., na kojoj je bilo prisutno oko 40 članova partnerske grupe iz privrednih kolektiva, javnih preduzeća, javnih ustanova, općine Srebrenik, mjesnih zajednica, nevladinog sektora, te iz sektora kulture i sporta. U uvodnom govoru V.D. općinskog načelnika Mehmed Bajrektarević je pozdravio prisutne i zaželio im dobrodošlicu, te ih ukratko upoznao sa dosadašnjim radom na izradi nove strategije razvoja općine Srebrenik. Nakon prigodnog obraćanja Aide Laković Hošo, koordinatorice za



Na sastanku je bilo prisutno oko 40 članova Partnerske grupe

izradu politika ILDP, u okviru kojeg se vrši izrada razvojne strategije, koja je pohvalila članove razvojnih timova, koji su radili na prikupljanju i obradi podataka te osmišljavanju i formulisanju projekata, prisutne je sa Nacrtom strategije razvoja općine Srebrenik upoznao Ibrahim Smajlović, predsjednik grupe za lokalni ekonomski

razvoj. Kako je istaknuto, od početka 2010 godine općina Srebrenik je pokrenula proces revizije strategije razvoja. Nova integrisana strategija pokriva period od 2011 – 2020 i predstavlja putokaz koji će voditi daljem razvoju lokalne zajednice uzimajući u obzir njen društveni, ekonomski i okolišni aspekt. Finalni Nacrt strategije je izrađen uz angažman partnera iz društvenog, ekonomskog i nevladinog sektora, koji su članovi partnerske grupe (PG), tijela koje osigurava učešće i doprinos lokalne zajednice u procesu planiranja, te predstavlja osnov za komunikaciju između općinske uprave i građana, predstavnika lokalne zajednice, kako bi zajedno pregledali i diskutovali Nacrt strategije razvoja. Preciznije, u toku sastanka građani su usaglasili razvojnu viziju i strateške ciljeve definisane u Nacrtu strategije, te su dali svoje komentare na liste konkretnih projekata za sektore ekonomskog, društvenog i okolišnog razvoja, koji će se realizovati u sljedeće tri godine i koji su usmjereni ka poboljšanju



Detalj sa sastanka

kvalitete života građana općine Srebrenik. Ovaj zajednički događaj omogućio je široku konsultaciju u vezi Nacrta strategije općine Srebrenik, koji će, najvjerojatnije, tokom januara 2011.g. biti dostavljen na pregled i usvajanje Općinskom vijeću, a njegova implementacija će početi u 2011. godini. Bitno je istaći da je partnerstvo u procesu izrade integrirane strategije lokalnog razvoja općine Srebrenik bilo otvoreno tokom cijelog procesa, te se u proces uključilo preko 200 građana, a obzirom da je Nacrt navedene strategije postavljen i na web stranici općine Srebrenik: www.srebrenik.ba u folderu Strategija razvoja, sve do početka januara 2011.g., omogućeno je ciljnim grupama odn. pojedincima da sugerišu određene izmjene strategije, putem općinskog e-maila: opc.sreb@bih.net.ba, kako bi ista bila još bolja.

U Špionici održani „Dani polja 2010“

U krugu „Voćnog rasadnika“ u Špionici kod Srebrenika, u organizaciji ove firme, Poljoprivrednog zavoda Tuzla i Ministarstva za poljoprivredu, vodoprivredu i šumarstvo TK, kraje septembra 2010.g.,



Otvorenje "Dana polja 2010" organizovana je manifestacija „Dani polja“, gdje su sjemenske kuće poljoprivrednim proizvođačima predstavile sorte kukuruznog sjemena. -Kantonalno ministarstvo je obezbijedilo podsticaj poljoprivrednim proizvođačima i to nam ostaje obaveza i za naredni period, kako za kukuruz tako i za ostale kulture. Ono što je dobro jeste da je tržište BiH otvoreno za sve sjemenske kuće i dobro je da se danas ovdje pojavilo više sjemenskih kuća, kako bi predstavili svoje hibride, a naši poljoprivredni proizvođači odabrali ono što je najbolje za njih. Ovdje je jako bitno što se našim poljoprivrednim proizvođačima nudi kvalitetan hibrid. Veliki je problem što su naše parcele usitnjene i što su mali posjedi, pa zbog toga moramo ići na najpovoljniju poljoprivrednu proizvodnju, sa najvećim učincima, kazao je Nedim Šarac, pomoćnik ministra za poljoprivredu, vodoprivredu i šumarstvo u Vladi TK. Šarac je istakao i da se poljoprivrednim proizvođačima sve više isplati baviti ovom djelatnošću, jer Vlada TK-a, u zadnje vrijeme izdvaja sve više sredstava. Tako je istakao da se prije pet godina za podsticaj izdvajao milion KM, a da se ove godine ova cifra popela na 10 miliona, što je, zbog recesije, umanjeno na 8 miliona. „Dani polja“ se ne mogu zamisliti ni bez „Poljoprivrednog zavoda“ Tuzla, a

njen direktor Nusret Šerifović je ovom prilikom kazao: -Ove godine smo imali poteškoće kada su u pitanju agrometeorološke prilike, gdje mislim na obilne kiše i poplave. Ipak, uz pomoć „Voćnog rasadnika“ u Špionici i naših poljoprivrednika uspjeli smo, koliko-toliko, spasiti zasijana polja. Ovdje želimo našim poljoprivrednim proizvođačima pokazati da se i u teškim situacijama može doći do cilja. Kasnije je nastupio sušni period, pa smo pojasnili našim gostima kako se ponašati i u takvim situacijama. Želja nam je ovdje



danas da naši poljoprivrednici vide šta je to najbolje za njih da zasiju od kukuruznog hibrida, zavisno za šta će ga upotrijebjavati, kazao je Šerifović.

Održani 5. „Dani kruha i plodova zemlje“

U organizaciji HKD „Napredak“ Špionica-Srebrenik, u ovome naselju je, 10.10. 2010.g, održana tradicionalna manifestacija „5. Dani kruha i plodova zemlje“. Ona ima za cilj očuvanje običaja, kulture i tradicije Hrvata sa ovoga područja. Predsjednica „Napretka“ Filka Veselčić ovom prilikom je kazala: -Ovu manifestaciju smo prvi put organizirali upravo na ovome mjestu prije četiri godine, i tada smo imali viziju i znali da će ona prerasti u tradiciju, iako smo tada imali samo osam stolova i svega trideset učesnika. Pogledajte danas koliko nas ima. Zamisao je bila da se otrgne od zaborava



Detalj sa manifestacije

domaća hrana i da se vrati u domove narodna kuhinja, uz naše običaje. Sada je ova manifestacija prepoznata kod turističkih radnika. Ušli smo u veliku obitelj promocije zdrave hrane i zdravog življenja. Tako smo ove godine dobili potporu i od Federalnog ministarstva okoliša, kao i Općine Srebrenik. Zahvaljujemo se svima koji su prepoznali očuvanje materijalne i nematerijalne baštine Hrvata sjeveroistočne Bosne, kazala je Filka Veselčić. Na trpezi su bili izloženi domaći sokovi ali i domaća rakija od šljive i kruške, a od hrane domaći kruh, gulaš, grah, pite, popularna cicvara iz Špionice, zatim pečenje, dok nisu izostavljeni ni slatkiši, uglavnom pripremljeni na tradicionalni način. Pred više od 150 gostiju, predstavile su se i folklorne sekcije iz Špionice i Husina, dok su prisutne oduševili i učenici područne osnovne škole u Špionici, koji su, svojim recitacijama i



pjesmama, podsjetili na značaj očuvanja tradicionalne hrane. Manifestaciju je otvorila Jasminka Mijatović, ministrica pravde u Vladi TK i Esad Dedić u ime načelnika Općine Srebrenik, Osmana Suljagića. Oni su kazali kako su sretni što su bili na ovoj manifestaciji i da će svakako i Vlada TK i Općina Srebrenik i u narednom periodu podržavati ovakve i slične manifestacije.

Održan sajam pčelarstva i pčelarske opreme „Srebrenik 2010“



Detalj sa sajma pčelarstva u Srebreniku

USrebreniku je dana 21.09.2010.g. održan, drugi po redu, sajam pčelarstva i pčelarske opreme „Srebrenik 2010.“ U svom obraćanju učesnicima i posjetiocima sajma, predsjednik UG pčelara „Roj „ Srebrenik Pašezad Zukić je naglasio opravdanost organizovanja sajamskih manifestacija, uz obećanje da će pčelari srebreničkog udruženja učiniti sve da, kroz sistem edukacije prošire vidike svakog pčelara, pa i onih koji to još uvijek nisu, kako bi se izbjegao ili bar smanjio trenutni trend da BH tržište bude preplavljeno raznim pčelarskim proizvodima sumnjivog porijekla i kvaliteta, u situaciji kada imamo vlastite izuzetno kvalitetne pčelarske proizvode. Direktor poljoprivrednog zavoda TK Nusret Šerifović je, između ostalog, rekao da nam ovakve manifestacije, na direktan način ukazuju na to kako je moguće živjeti od proizvoda iz prirode, naravno uz adekvatnu potporu relevantnih institucija, te istakao punu podršku



Učesnike sajma su pozdravili i zurlaši

pčelarima, kao i samoj sajamskoj manifestaciji, kao dobrom vidu razmjene iskustava i uspostavljanja saradnje od obostranog interesa. Udruženje pčelara „Roj“ Srebrenik dodijelilo je posebnu zahvalnicu načelniku Općine Srebrenik Osmanu Suljagiću, koju je, u njegovo ime primio Esad Dedić, viši stručni saradnik za informisanje i protokol, koji je zvanično i otvorio ovaj sajam.

Posebna stručna komisija proglasila je i najbolji literarni rad odabran na konkursu raspisanom među učenicima srebreničkih osnovnih škola na temu „Pčela i med“. Prvo mjesto osvojila je Rabija Kešetović iz Prve O.Š. Srebrenik, na drugom mjestu je Marina Marković iz O.Š. Špionica, dok je treće mjesto osvojila Elma Mujkić iz O.Š. Rapatnica. U okviru sajma održano je i stručno predavanje na temu „Bolesti pčela i preventiva“, a predavač je bio dr. Nusret Sirčo. Najmladji pčelar izlagač je Midhat Džafić iz Kalesije, a najstariji Voislav Perić iz Brčkog. Inače, na gradskom šetalištu u Srebreniku, gdje je održan ovogodišnji sajam, na preko 30 štandova izloženi su med, pčelinji proizvodi, pčelarska oprema, organska hrana, narodne rukotvorine i suveniri, a izlagači su stigli iz svih krajeva BiH i Hrvatske. Karakteristika ovog sajma je izuzetno dobra posjeta i velika zainteresovanost posjetilaca za izložene proizvode, koji su se uspješno prodavali po sajamskim cijenama.

Uklanjanje zaostalih mina

Dana 19.10.2010.g., na lokalitetu "Okresanica" na samom vrhu planine Majevice u blizini Srebrenika, otpočelo je uklanjanje zaostalih mina iz proteklog rata, koje je prije napuštanja vojnog objekta na najvišoj koti na ovoj



planini postavila bivša JNA. Prema riječima Nermina Jašarevića, koordinатора za deminiranje u Službi civilne zaštite općine Srebrenik, u okviru ovog projekta obavilo se deminiranje terena oko vojne kasarne na Okresanici ukupne površine 495 kvadratnih metara. Radove su izveli deminerni deminerske organizacije "PROVITA" iz Mostara, pod nadzorom Centra za uklanjanje mina u BiH, Regionalnog ureda Tuzla. Svi poslovi na čišćenju terena od zaostalih mina su završeni 25. 10.2010.g. Aktivnosti na uklanjanju mina na lokalitetu Okresanice finansiralo je J.P. "Elektroprivreda BiH", a realizacijom ovog projekta omogućeno je bezbjedno čišćenje terena ispod 10 kV dalekovoda.

Predstavnici UN-a obradovali srebreničke mališane sa posebnim potrebama

Centralna BiH manifestacija obilježavanja 65 godina Dana UN, održana je u Srebreniku. Goste su u ovome podmajevičkom gradu u Centru civilnih invalida I i II kategorije



Sa obilježavanja Dana UN-a u Srebreniku

dočekali predstavnici ovoga udruženja te općinski načelnik Osman Suljagić. Prilikom posjete Srebreniku, Hajrudin Hajrulahović, predstavnik UN-a je kazao: -Srebrenik nije odabran iz nekih posebnih razloga, jednostavno smo odlučili na nivou tima da to bude ovdje. Inače, sva djeca sa posebnim potrebama su jako bitna i jako važna, a mnogo je bitnije uljepšati dan ovoj djeci kao i ljudima koji rade s njima i koji im pomažu. Želja predstavnika Udruženja je da se u Srebreniku uradi i jedan Centar, gdje bi se djeci obezbijedio dnevni boravak, a predsjednik Udruženja Enes Džanić je kazao: -To je naš dugoročni plan i velika želja, tako da vjerujem kako će ona biti realizirana, prije svega uz pomoć Općine, privrednika ali i UN-a. Ovaj posjeta je za nas veliko priznanje da smo do sada nešto uradili, ali i podstrek da i dalje radimo. Predstavnici UN-a ovome prilikom su uručili prigodne poklone Udruženju u vidu računarske opreme i udžbenika, a poklone su dobili i predstavnici osnovnih škola s područja općine Srebrenik, koji rade sa ovom populacijom. Na kraju su djeca s posebnim potrebama koja svakodnevno dolaze s roditeljima u „IN CLUB“, odpjevali i jednu pjesmu

što je izazvalo veliko oduševljenje kod prisutnih. Krajem oktobra 2010.g. organizovana je i uzvratna posjeta, odnosno ekskurzija u Sarajevo za djecu s posebnim potrebama, gdje su ih srdačno dočekali najviši predstavnici UN-a u BiH, a šefica sektora za informisanje ove organizacije Asja Čengić je tom prilikom istakla da će djeca s posebnim potrebama iz Srebrenika i dalje imati punu podršku, te da će učiniti sve što je potrebno kako bi ovaj, najranjiviji dio društva, imao što bolje uslove života i rada. Nakon obilaska BBI centra, djeca su posjetila Cinema City, gdje im je upriličena projekcija porodične komedije. U hotelu "Europa" u Sarajevu, povodom



Detalj iz „Pionirske doline“

Dana UN-a, održana je i aukcija fotografija bh. fotografa, s koje je sav prihod išao za Dom za djecu sa posebnim potrebama u Srebreniku, uz 15.000 dolara koje je već prikupilo nekoliko UN-ovih agencija u BiH. Aukcija fotografija, nastavak je nekoliko aktivnosti namijenjenih pomoći Udruženju civilnih invalida I i II kategorije Općine Srebrenik, odnosno Radionici za djecu s potrebnim potrebama, koja djeluje u okviru ovog udruženja. Neizmjernu radost izazvala je i posjeta "Pionirskoj Dolini", gdje su, zahvaljujući direktoru ovog zabavnog parka Esadu Tajiću, doživjela pravu bajku.

Međunarodni dan osoba sa invaliditetom

Međunarodni dan osoba sa invaliditetom, koji se u svijetu obilježava 3. decembra, u Srebreniku je obilježen u prostorijama „Civilnih invalida I i II kategorije“. Ovom prilikom udruženje je posjetio v.d. načelnika Općine Srebrenik Mehmed



V.D. načelnik Mehmed Bajrektarević je djeci uručio prigodne paketiće

Bajrektarević te koordinator infrastrukturnih projekata u Općini, Ibrahim Smajlović. Prvi čovjek Općine ovom prilikom je kazao: - Želim da vam čestitam Međunarodni dan osoba sa invaliditetom, te iskreno vjerujem kako ćete naredne dočekati u dosta boljim prostorijama, koje bi trebale uskoro da se počnu graditi. Općina Srebrenik je i do sada a i ubuduće će podržavati ovo Udruženje, jer smatramo da oni rade dosta dobre projekte. Ovi paketići, koje smo vam donijeli, samo su jedan mali dio pažnje i da vam dokažemo kako vas nismo zaboravili, kazao je Bajrektarević. Ibrahim Smajlović je nešto više govorio o izgradnji prostorija za ovo udruženje. - Prije nešto više od godine smo pokrenuli projekat sa UN-ovim agencijama, u koji želimo uključiti i ovo udruženje. Riječ je o rekonstrukciji „Starog grada Srebrenika“ u koji su uključeni kroz izradu suvenira, koje trenutno prodaju na pješačkoj zoni. Što se tiče zgrade, trenutno se privodi kraju izrada projektno-tehničke dokumentacije i početkom proljeća, krenut će se sa radovima. Vrijednost radova procjenjuje se na više od 300.000 KM, kazao je Bajrektarević.

Nove donacije vatrogascima

Vatrogasna jedinica Srebrenik dobila je iz Švedske donaciju vrijednu blizu 50.000 KM! Riječ je o 17 kompleta vatrootporne opreme, s kojom će se opremiti srebrenički vatrogasci, kako bi bili spremni za najveće izazove



Detalj sa donacije opreme srebreničkim vatrogascima

iz ove oblasti. -Ovo je oprema koja nam je bila izuzetno neophodna. U jednoj od prethodnih posjeta Srebreniku, kazali smo našim prijateljima iz Švedske šta nam je neophodno. Nabavna cijena ove nove opreme iznosi blizu 50.000 KM, a obzirom da je donirana oprema kao nova, smatramo da bi njena stvarna vrijednost bila tek nekih nekoliko hiljada KM niža. Tada su nam obećali pomoć i evo to su sada i ispunili, kazao je komandir profesionalne vatrogasne jedinice u Srebreniku, Rajib Džaferović.



Vatrogasci u novoj opremi

Oprema za vatrogasce je stigla zahvaljujući Reufu Jahiću, porijekom iz Ježinca kod Srebrenika, koji već blizu dvije decenije živi i radi u Švedskoj. Prijateljske veze prvo su ostvarene kroz fudbal, da bi se kasnije proširile i na društvene djelatnosti. -Jako sam sretan što sam u prilici da pomognem ljudima u Srebreniku na bilo koji način. Smatram da će ova oprema izuzetno pomoći vatro-

gascima jer smo svjedočili kako su oni prolazili kroz vatru i bez ove opreme, što je za Šveđane bilo nezamislivo, kazao je Jahić. Nakon uručenja ove donacije, delegacija iz Švedske predvođena Reufom Jahićem i dvojicom Šveđana, posjetila je i JKP „9. septembar“, gdje se razgovaralo sa direktorom ovog preduzeća Zaimom Djedovićem, s obzirom da Reuf Jahić želi posredovati i u donaciji jednog vozila za odvoz smeća ovome preduzeću, čija bi vrijednost iznosila više stotina hiljada KM. Jahić je inače zaljubljenik u sport i predsjednik je FK „Angebek“, koji je od desete stigao do pete švedske lige. Nekolicini fudbalskih kolektiva u BiH je donirao sportsku opremu, a njegovo ime je izuzetno cijenjeno u ovoj skandinavskoj zemlji. Dana 11.12.2010. g.,



Sumbić Almir (lijevo) donira opremu Džaferović Rajibu

Vatrogasna jedinica Srebrenik dobila je i od Sumbić Almira donaciju vrijednu oko 6.000 KM. Riječ je o donaciji jedne pumpe kapaciteta 800 l/min, koja kod poplava služi za crpljenje vode, dok kod požara omogućava da se na jednostavan način voda, koja se koristi za gašenje požara, crpi iz seoskih bunara, te 3 izolaciona aparata za kiseonik. -Donirana oprema nam je bila neophodna. Sumbić Almir je rođeni Srebreničanin, koji već duže vrijeme živi i radi u Austriji, i prije dvije godine je našim vatrogascima takođe donirao mješalicu za miješanje pjene i vode prilikom gašenja požara. Osnovni cilj mu je da pomogne u tehničkom opremanju naših vatrogasaca, kako bi što spremnije dočekali požare i

poplave, kojih, na žalost, ne nedostaje na našem području. Ja mu se, u ime svih vatrogasaca, zahvaljujem na ovoj i dosadašnjim donacijama, te se nadam nastavku pomoći i ubuduće, istakao je Džaferović.

Združena vježba vatrogasaca, medicinara i policije

U sklopu manifestacije "Mjesec zaštite od požara", dana 15.10.2010.g, u centru Srebrenika, uz prisustvo brojnih medijskih ekipa te oko stotinjak građana, održana je pokazna vježba spašavanja unesrećenih u saobraćajnim nezgodama. U pokaznoj vježbi, kao i više puta do sada, učestvovali su pripadnici Profesionalne vatrogasne jedinice, Policijske stanice i Hitne službe DZ Srebrenik. Zvuci sirena, angažovano ljudstvo i raspoloživa materijalno-tehnička sredstva, na više nego realističan način prikazali su tešku saobraćajnu nesreću i spašavanje unesrećenih. Kako je ista-



kao Bajro Imširović, šef Službe CZ Srebrenik, ova združena pokazna vježba ima za cilj prikazivanje opremljenosti i uvježbanosti pripadnika Profesionalne vatrogasne jedinice Srebrenik, te njihovog združenog djelovanja sa pripadnicima ostalih Službi, u spašavanju unesrećenih u saobraćajnim nezgodama. Izvedba u ovoj vježbi bila je tako realna, da su mnogi prolaznici, za trenutak pomislili da je riječ o stvarnoj saobraćajnoj nezgodi.

Osnovana škola sporta „Silver Kings“



Pioniri i kadeti Silver Kingsa iz Srebrenika

Dana 11.10.2010. godine održana je Osnivačka skupština Škole sporta „Silver Kings“, koja već u svom pogonu ima oko 40 polaznika škole košarke. Za trenere i voditelje programa imenovani su profesori tjelesnog i zdravstvenog odgoja Edis Bajrektarević i Emir Jašarević. Bajrektarević je već dugo godina u košarci kao glavni „krivac“ za to što je košarka u Srebreniku već postala sport broj jedan, a Jašarević je kao košarkaš prošle sezone sa seniorima Gradine osvojio prvo mjesto u A2 Ligi F BiH, te kao trener debitant drugo mjesto sa juniorima u Ligi mladih RKS Tuzla. „Ovdje se ne radi ni o kakvoj privatnoj školi. Sve počinje i završava sa roditeljima polaznika koji su inače osnivači uduženja. Ovakav model rada je najprihvatljiviji i za nas trenere jer najbolji dokaz kvaliteta našeg rada dat će roditelji polaznika i sami polaznici. Da nisam imao podršku roditelja i djece nikad se ne bih upustio u ovaj projekat. Ovim putem ja im se zahvaljujem i u svakom trenutku sam spreman se povući, ukoliko to oni žele“ rekao je Edis Bajrektarević. Ubrzo je, po osnivanju, škola sporta „Silver Kings“ Srebrenik krenula u zvanično takmičenje na regionalnom nivou. Radi se o Regionalnoj ligi mladih u košarci gdje se takmiče sa pionirima i kadetima. Početak je težak, ali uz ovako dobru djecu, njihove roditelje, sponzore i donatore,

mislim da ćemo uspjeti završiti vrlo dugu sezonu u Ligi mladih, gdje nas očekuje čak 40 zvaničnih utakmica. U rezultat-skom dijelu ne možemo puno očekivati ali će vremenom i rezultati doći, iako nam isti ipak neće biti prioritet. Rad sa mladima zahtijeva puno složeniji pristup od omjera pobjeda i poraza. Sport jeste na neki način igra ali djeca i treneri u sportu ne smiju biti ničije igračke. Osnovni sud o kvaliteti rada treba da daju roditelji te djece“, kazao je Bajraktarević. Košarkaši koji će u ovoj sezoni nositi dres „Silver Kingsa“ su: Emir Kovač, Hodžić Amir, Azur Ibrić, Amar Ibrić, Izet Ahmičević, Mirza Šabić, Amar Ćosić, Adis Hodžić, Denis Fejzić, Amir Suljkanović, Adnan Bećirović, Kenan Baganović, Edi Buljubašić, Sadil Sarajlić, Haris Ćizmić, Sulejman Mehmedović, Admir Nurikić, Bakir Hogić, Medin Omerović, Amir Ordagić, Aldin Hasanović, Emir Muratović, Eren Ozturk, Meša Lelić, Eldar Ibrišimović, Damir Dedić, Sulejman Salkić, Kenan Alić, Sejfudin Hodžić, Amar Mujkić, Amer Sejdinović, Amar Salkić i Faris Nurkanović.

Martovci najbolji i u Maglaju

Na 2. karate kupu „Maglaj-open 2010“, na kojem je učestvovalo više od 300 takmičara iz 25 klubova, karatisti „1. marta“ iz Srebreni-

ka, sa 21 takmičarem, osvojili su 36 medalja (16 zlatnih, 13 srebrnih i 7 bronzanih) što je bilo dovoljno da se ovaj kolektiv proglasi najuspješnijim. Njihova takmičarka Minela Hadžić, proglašena je najuspješnijom karatiskinjom sa po dvije zlatne i srebrne te jednom bronзанom medaljom. Zlatna odličja osvojili su: Sanela Kešetović, Elma Muratović i Belmin Ibrišević (po dvije zlatne), Minela Hadžić, Amela Husić, Melisa Nišić, Azra Kulović, Nusreta Tufekčić, Azra



Kurbašić, Sakib Salihbašić i Almir Pjević te muški i ženski kata tim.

Takmičenje u streljaštvu

U organizaciji Streljačkog kluba „Ljiljan“ Srebrenik, sredinom oktobra 2010, na igralištu NK „Bratstvo“ u N.N. Luka, održano je takmičenje općine Srebrenik u streljaštvu za pionire, kadete i seniore. U konkurenciji pionira prvi je Almir Mujačević, drugi



Najbolji u konkurenciji pionira

je Suad Buljubašić, a treći Adel Dedić. Kod kadeta najbolji je Irfan Karić, drugi je Benjamin Ikanović, a treći Husnija Buljubašić. U konkurenciji seniora najprecizniji je Bajro Imširović, drugi je Miralem Buljubašić, a treći Mevludin Karić. Najuspješnijim takmičarima uručene su diplome i prigodne nagrade.

Gradski teatar Srebrenik gostovao u Cazinu

Dana 30.10.2010.godine Gradski teatar Srebrenik (GTS) gostovao je u Cazinu, općini od nekih 70.000 stanovnika, koja ima čak 15 registrovanih kulturnih udruženja, sa oko 2.000 članova. Nakon 10 godina postojanja Alternativni teatar Srebrenik je,



Detalj sa nastupa u Cazinu

u svojoj 11 godini kontinuiranog rada, promijenio naziv u Gradski teatar Srebrenik, a publici u punoj sali Doma kulture u Cazinu se predstavio prigodnim muzičko-dramskim programom. U toku programa prikazan je i promotivni film o Srebreniku, zatim su u programu učestvovali "Srebrenički



Razmjena poklona između Nermina Ogrševića i Fikreta Mujkića

zurlaš", dok se GTS predstavio dramskim i folklornim koreografijama, muzikom uživo, kao i monolozima iz predstave "Sulejman Suljo Treći". Osim srdačnog dočeka naših kulturnjaka te značajne medijske pažnje, u protokolarnom dijelu su upriličene i razmjene prigodnih poklona između načelnika općine Cazin Nermina Ogrševića, te Fikreta Mujkića, predsjednika GTS-a i Esada Dedića, predstavnika općine Srebrenik. Poznato je da kultura i sport

uvijek budu ti koji ostvare prve kontakte, pa se nadamo da će ovo uspješno gostovanje, koje je finansijski pomogao općinski načelnik Osman Suljagić, pomoći u budućoj saradnji ova dva grada u BiH, koji su geografski udaljeni skoro 300 km.

Obilježen Kurban bajram

Centralna manifestacija obilježavanja Kurban bajrama održana je u Gradskoj džamiji u Srebreniku, gdje je klanjanju bajram namaza prisustvovalo nekoliko stotina vjernika. Na isti način je, u svečanoj atmosferi, klanjan bajram namaz i u ostalih preko četrdeset džemata Medžlisa IZ Srebrenik, nakon čega se



Sa prijema u Medžlisu IZ Srebrenik

pristupilo tradicionalnom prinošenju žrtve-klanju kurbana, pripremi te podjeli kurbanskog mesa, što je u većini slučajeva potrajalo gotovo cijeli dan. I ove godine na veliki odziv je naišla humanitarna akcija prikupljanja kurbanskog mesa za potrebe narodne kuhinje „Imaret“, dok će sredstva sa sergija i od prikupljenih životinjskih koža poslužiti za rad lokalnih džamija i Islamske zajednice u BiH. Tek drugog dana Kurban bajrama većina vjernika je bila u mogućnosti obići roditelje, rodbinu i komšije, a zvanični program na drugi dan Kurban bajrama, na području općine Srebrenik, započeo je posjetom prvih ljudi izvršne i zakonodavne vlasti Medžlisu Islamske zajednice Srebrenik. Predsjednik ove institucije Mevludin ef. Joldić, glavni imam Refik ef. Hodžić i direktor pogrebnog preduzeća „Rahmet“ Jusuf ef.



Detalj sa Bajramske akademije

Mehuljić su čestitali Kurban bajram dosadašnjem načelniku Osmanu Suljagiću, predsjedavajućem OV-a Ibrahimu Zukiću i V.D. načelnika Mehmedu Bajraktareviću, kom prilikom se vodio razgovor o nastavku uspješne saradnje općine Srebrenik i ove vjerske zajednice, te nizu problema, s kojima se ista susreće u svom svakodnevnom radu. Takođe su upoznati da su sve naše hadžije dobro i zdravo. Dana 17.11. 2010.g. u 19 sati, u kino sali Doma kulture, održana je „Bajramska akademija“, koju su zajednički organizovali Medžlis IZ Srebrenik i Bošnjačka zajednica kulture „Preporod“ i kojoj je prisustvovalo oko 400 posjetilaca. Nakon uvodnog obraćanja domaćina „Bajramske akademije“, glavnog imama Refika ef. Hodžića i predsjednika Preporoda Tursić Nermina, posjetioci su imali priliku pogledati raznovrstan kulturno-umjetnički program u kom su



Dio ovogodišnjih srebreničkih hadžija

nastupili: hor Medžlisa IZ Srebrenik, koji je proučio ašare i ilahije, glumica Fatima Zahirović, koja je citirala nekoliko ajeta iz Kurana, sazlija Ahmet Hogić sa izvedbama nekoliko sevdalinki te srebrenički muzički duo Amila Čizmić i Miralem Jašarević, koji su izveli niz prigodnih muzičkih numera.

OŠ Rapatnici oprema i nastavna sredstva



Dio do sada donirane opreme

Dana 26. 10. 2010. godine OŠ Rapatnica iz Srebrenika dobila je dio školske opreme iz projekta koji finansira MDGF za kulturu i razvoj u okviru UNICEF-a. OŠ Rapatnica, u sklopu projekta Kultura za razvoj, dobit će sredstva za realizaciju ovog projekta u iznosu od 10.000 dolara. Da se radi o veoma vrijednoj donaciji pokazuje i činjenica da je, navedenog dana, u školu stigla i prva nabavka u iznosu od 1200 KM, a radi se o 2 nastavne table i o dr. nastavnom materijalu. Prema riječima koordinatora projekta Mirze Suljagića, UNICEF će uskoro izvršiti kupovinu i ostalih sredstava, a radi se o folklornim nošnjama, modernim računarima, sportskoj opremi, materijalu za likovno stvaralaštvo itd. Moramo istaći i to da su jedina škola sa TK-a koja je dobila ova sredstva, sa još 9 škola sa prostora BiH, te im čestitamo na ovom uspjehu.

OŠ Rapatnica prva na takmičenju Misli mine

U organizaciji Crvenog krsta Srebrenik, dana 23.11.2010.g., u prostorijama Druge OŠ održano je završno općinsko takmičenje u poznavanju opasnosti od mina i ostalih eksplozivnih sredstava pod nazivom „Misli mine“. Nastupile su ekipe 7 OŠ s područja općine Srebrenik, a najuspješnija je bila OŠ „Rapatnica“, druga je O.Š. Duboki Potok a treća OŠ „Tinja“.



Pobjednička ekipa OŠ Rapatnica

Sejfudin Glumčević-Čedo ulovio štuku od 12 kilograma



Ribolovci sa štukom od 12 kg.

Dugogodišnji ribolovci Sejfudin Glumčević-Čedo i Senad Mujčić, oba iz Babunovića kod Srebrenika, početkom novembra 2010.g., ulovili su štuku tešku oko 12 kg. Iako je Sejfu-

din iskusan ribolovac, kaže da mu ulov kapitalnog primjerka štuke ne bi uspješno završio da nije pored njega bio Senad.- Nema šanse da bi je uspio uloviti bez njega. Uistinu je bila teška i potrebna su dva čovjeka da je izvuku. Nikada nisam ulovio ribu ove težine, priča nam Sejfudin. Štuka je upečena na ušću Tinje u Savu, u mjestu Trepšić kod Brčkog, gdje inače ova dva ribolovca često love. Kažu da im je ribolov najstrastveniji hobi i da se njime bave od malih nogu. Sejfudinov najveći dosadašnji ulov bio je do 8 kg., a sada je dobacio četiri kilograma više. On je član ribolovnog društva „Zeba“ iz Srebrenika, a Senad pripada ribolovnom društvu „Rudar-Kreka“.

BH Telecom donirao računarsku opremu Drugoj osnovnoj školi Srebrenik



Detalj sa donacije računara



Dana, 23.11.2010.godine, u Drugu OŠ Srebrenik, stigla je računarska oprema od BH Telecoma. U mjesecu maju 2010.g., BH telecom je raspisao nagradni konkurs na temu „ BiH u Evropi, Evropa u BiH“, gdje su učenici OŠ sa područja Federacije BiH mogli učestvovati sa literarnim,

slikarskim i dr. radovima na datu temu. Likovni rad Jukić Selme, učenice VIII-og razreda Druge OŠ Srebrenik, proglašen je uspješnim. Kao nagradu, ova škola je dobila 5 novih računara sa licenciranim operativnim sistemom sa još 2 multifunkcionalna uređaja. Čestitamo učenicima, Jukić Selmi za uloženi trud i dobijenu nagradu, a takođe se zahvaljujemo nastavnicima koji su doprinijeli organizovanju i učešću na ovom takmičenju (Jazvić Željka, Smajić Ismeta i Delić Nedim). Učenicima Druge OŠ Srebrenik želimo da uspješno koriste ove računare i da što više nauče.